



Ака́фист
Священномученику
Алексію,
митрополіту Лу́цкому
и Во́льнському,
бывшему Экза́рху
всея́ Украіны.







Ака́фист
Священномученику
Алексію,
митрополіту Лу́цкому
и Во́льнському,
бывшему Экза́рху всея́ Украіны.

Конда́к 1.

Избра́нный пропове́дниче Хри-
сто́в и ве́ры пра́выя испове́дниче,
пóдвигом святі́тельским подвиза́в-
шийся в смире́нии, терпе́нии и
любви́, / я́ко дерзнове́ние имаши ко
Го́споду, / мо́лишися о ве́рных лю-
дех, / новоявле́нным мо́щем твои́м
поклоня́ющихся и пою́щих ти́: /
Ра́дуйся, священномучениче Алек-
сіе, // кла́дезю щедропода́тельный
Боже́ственныя благода́ти.

Їкос 1.

А́нгела Цѣркве на́шея и всея́
страны́ Во́лыньскія в тебѣ́ ѱмамы,/
яко еписко́па земли́ на́шея Бог тя
сотвори́./ Ты́ же во́истину перво-
священник, о́тец и учи́тель вѣрным
явился еси́,/
невѣрными ненави́-
димь, му́чимь и гони́мь,/
и вѣру
ѱстинную да́же до кро́ве испове́дал
еси́,/
сего́ ра́ди поѣм ти́:/ Ра́дуйся,
отце́м и ма́терию правосла́вными
рожде́нный:/ ра́дуйся, измла́да в
вѣре пра́вой креще́нный и воспи-
та́нный./ Ра́дуйся, по чи́ну Цѣркве
Восто́чныя и Те́ла, и Кро́ви Хри-
сто́вых изде́тска приобща́вшийся:/
ра́дуйся, благоче́стию роди́телей
твои́х подража́вший./ Ра́дуйся, в
хра́ме и олтарѣ́ Бо́жием диа́коном
служи́щу отцу́ тво́ему благоговѣ́й-
но сопрису́тствовавший:/ ра́дуйся,

пéнию церкóвному иску́сно сли-
ковствовáвший./ Рáдуйся, А́нгела
Храни́теля от Свята́го Крещéния
твоегó да́же до преставлéния ни-
ко́лиже оскорб́ивший:/ рáдуйся, в
дéвстве твоём и в бра́ке укра́шен-
ный целомúдрием./ Рáдуйся, во
диáкона и священника рукопо-
лóженный, Гóсподу достóйно по-
служ́ивший:/ рáдуйся, мона́шес-
каго пострижéния пред ра́кою пре-
подóбнаго Ёова, Игúмена и чудот-
ворца Почáевского сподóбльший-
ся./ Рáдуйся, об́ители Кременéцкия
настоя́телю и священноархиманд-
рите:/ рáдуйся, святы́м Апóстолом
преёмственнаго епíскопства со-
прича́стниче./ Рáдуйся, священно-
мúчениче Алексíе, // кла́дезю щед-
ропода́тельный Божéственныя бла-
годáти.

Конда́к 2.

Ві́дя па́ству твою́ тесні́мою
иновѣ́рными и умале́нною, / моли́т-
вою ко Го́споду и Пречи́стей Ма-
рїи Де́ве преору́жїлся еси́, / сло́ва
Бо́жия проповѣ́данием ре́вност-
ным / Правосла́вие по́пранное воз-
родїл еси́, / и благода́рственно
Бо́гу воспѣ́л еси́: // Аллилу́иа.

Ї́кос 2.

Ра́зумом Божѣ́ственным ода́рен,
и благода́тию Ду́ха Свята́го оза-
ре́н, / любóвию к Бо́гу и блї́жним
горѣ́л еси́, / и по за́поведи Спасї́-
теля на́шего / напа́сти ти де́ющим,
и клену́щим тя благо́творїл еси́ / и
благослове́ние о Го́споде препода-
ва́л еси́, / ны́не же блаже́нствуеши
и слы́шиши: / Ра́дуйся, Правосла́-
вия ревни́телю: / ра́дуйся, ве́ру пра́-
вую проповѣ́давший я́ко еди́ну че-

ловѣком спасительную./ Рáдуйся, о людскѣх невѣжествиих печальниче:/ рáдуйся, лóжнаго мудровáния зáпаднаго обличителю./ Рáдуйся, раскóльников и язýчников посрамителю:/ рáдуйся, душепагубнаго невѣрия искоренителю./ Рáдуйся, ѣстиннаго богослóвия златословѣсный учителю:/ рáдуйся, Апóстольских Предáний блюстителю./ Рáдуйся, свещѣ, Бóгом возжѣнная, мрак нечѣстия разгоняющая:/ рáдуйся, звездó лучезáрная, путь ко спасѣнию показующая./ Рáдуйся, Цѣркви Правослáвныя утверждѣние:/ рáдуйся, землѣи нáшея озарѣние./ Рáдуйся, Кременцá града украшѣние адамантово:/ рáдуйся, пáсты Вольнскія похвалó./ Рáдуйся, священномучениче Алексѣе, // клáдезю щедроподáтельный

Божественныя благодати.

Кондак 3.

Силою благодатною преоружен,/ добльственно претерпевал еси скорби, злословия и клеветы,/ и миже обступаша ты лукавыя люди и демони, ищущия ты погубити,/ к помощи Пренепорочныя Владычицы прибегал еси,/ и невидимыя и видимыя враги посрамлял еси, // с Неою Богу поюще: // Аллилуиа.

Икос 3.

Имея пастыря добраго устроение,/ овцы словесныя стада Христова, от волков мысленных и лжепастырей ограждал еси,/ и Божиим благословением покрываемый,/ козни бесовския и человеческия одолевал еси,/ и из обителей горних/ хвалу, тебе приносимую, слышиши:/ Радуйся, пре-

мудрости православныя цвѣте:/ радуйся, мир просветивший сияньми твоих добродетелей./ Радуйся, иерарше правоверный, паству свою добре питавший:/ радуйся, спасительным учением Апостольским верных напоивший./ Радуйся, любовью Христовою злобу врагов победивший:/ радуйся, терпение дивное в гонениях явивший./ Радуйся, Апостолов святых преёмниче:/ радуйся, исповедников добропобедных соратниче./ Радуйся, яко просветил еси люди славити Бога:/ радуйся, яко тобою пожерта бысть злоба./ Радуйся, имже Христос прославися:/ радуйся, имже сатана посрамися./ Радуйся, священномучениче Алексие, // кладезю щедроподательный Божественныя благодати.

Конда́к 4.

Бу́рею гоне́ний лю́тых обсто-
и́мь,/ муче́ния и заточе́ние от изу-
ве́ров и неве́ров несл еси́ без-
ро́потно./ Внегда́ же мучи́тели тво́я
власы́ из главы́ твое́я исторга́ли/ и
о́стрия мучи́лищныя в персты́ тво́я
вонза́ли су́ть,/ с крото́стию увеща-
ва́л еси́ их,/ и к Го́споду, за ны́
распе́ншемуся, взыва́л еси́:// **Алли-**
лу́иа.

И́кос 4.

Слы́шаще о вели́чии по́двигов и
злострада́ний твои́х,/ и чуде́сном
от уби́ения безвре́меннаго спасе́-
нии,/ ве́рнии служа́ху ти с лю-
бо́вию о Христé,/ я́ко не́коему му́-
ченику дре́влему./ Ты́ же, испо-
ведниче святы́й, от язвин сих и ран
еще́ не исцелён,/ к труда́м архи-
па́стырским возврати́лся еси́,/ и

сицевая прие́млеши:/ **Р**а́дуйся,
скорб́ями вѣлиими́ иску́щенный:/
ра́дуйся, я́ко зла́то в горни́ле очи-
ще́нный./ Ра́дуйся, за Го́спода Ии-
су́са на страда́ния приведе́нный:/
ра́дуйся, и пред мучи́тели тво́ими
жестоковы́ными Сы́ном Бо́жиим
Его́ испове́давший./ Ра́дуйся, бого-
бо́рцами зау́щенный и изби́енный:/
ра́дуйся, к милосе́рдию их призы-
ва́вший./ Ра́дуйся, уста́ беззакон-
ных заградíвший:/ ра́дуйся, исти-
ны спаси́тельныя им возвестíв-
ший./ Ра́дуйся, из заточе́ния в за-
точе́ние со смире́нием ше́дший:/
ра́дуйся, от истязáний и ран в пути́
изнемо́гший и в ро́ве умира́ти бро-
шенный./ Ра́дуйся, близ сме́рти
быв́ший и Бо́гом сохране́нный:/
ра́дуйся, ве́рными подъя́тый и от
ран исцелё́нный./ **Р**а́дуйся, священ-

номучениче Алексіе, // кладезю
щедроподательный Божественная
благодати.

Кондак 5.

Боготочною кровию искуплен-
ная от гибели вечная / в Церкви
Божией Православной соблюдал
еси, / и Таинства благодатными
освящал еси, / едину веру истин-
ную, святыми Апостолы насаж-
денную, распространяя, / и верная
Троице Святей пети наставлял
еси: // Аллилуиа.

Икос 5.

Видяще ты юноши и юницы Во-
лынския / святою и отеческою лю-
бовию свыше вдохновляема и к
ним обращаемая, / взаимною к тебе
любовию о Господе исполняхуся, /
и, яко возмогали суть, ты берегли, /
до храма со славою препровождá-

ху ты:/ благословѣн Грядый во имя
Господне, — глаголюще,/ мы же
поём ти:/ **Р**адуйся, любве Хри-
стовы сияние:/ радуйся, сокровище
неистощимаго милосердия./ Ра-
дуйся, церковнаго благочестия
распространителю:/ радуйся, чис-
тоты Православия охранителю./
Радуйся, взыскавший спасения
многих:/ радуйся, сердца их пле-
нивший твоими кротостию и не-
злобием./ Радуйся, богоглаголивый
провозвестниче Евангельския пра-
вды:/ радуйся, добре упасший пре-
порученное тебе словесное стадо./
Радуйся, юным пример благий по-
дававший:/ радуйся, праведным
нравом твоим их назидавший./
Радуйся, Отца Небеснаго дела
добрými прославляющий:/ радуй-
ся, верным сердца услаждающий./

Рáдуйся, священномучениче Алексіе, // кладезю щедроподательный Божественныя благодати.

Кондак 6.

Проповедник неустанный явился еси истин веры православныя, / и миже Господь наш Иисус Христос / Церковь Свою и нас, грешных, Церковь, Им таинственно возглавляемою, / от заблуждений, отпадений и ересей огради, / ты же, добре ведущий сие святителю, / ныне пел еси Троице Святей и ныне поеши: // Аллилуиа.

Икос 6.

Возсиял еси звездою, Богом данною, / в ночи кривоверия и безбожия веру правую в стране Вольнской исповедующим, / и яко звезды путь ведущим и на них взирающим путеводствуют, / тако и

тѣ, всем ко спасѣнію стремящимся/ и Бѣгу угождати ищущим помогаеши, поющим:/ **Р**адуйся, архипастырю, преискренне возлюбивший человеки:/ радуйся, в твари Его словесной образ Творца почитавший./ Радуйся, верныя и неверныя, и даже на веру возставшия ближними с любовью именовавший:/ радуйся, о вразумлении и спасении всех Господу вину молящийся./ Радуйся, паству твою и пастыри к тому же располагававший:/ радуйся, плевелы неприязни к неправомыслящим любовью совершеною пожигавший./ Радуйся, гневом и яростию николиже посещенный:/ радуйся, смиренномудрием и кротостию на тя враждовавшия умиротворявший./ Радуйся, сиянием святости лик озаряемь

имѹщий:/ радуйся, яко с Первовер-
хóвным апóстолом Пáвлом и лю́ди,
тобóю спаса́емья: такóв нам и по-
добáше архиерей, — глагóлаша./
Рáдуйся, Дѹха Свята́го осия́нием
пресвѣтлым обогатѣвший и инѹя
богатя́щий:/ радуйся, светѣльниче
немеркнущий Свѣта Невечѣрняго,
на спасѣ́ния стезѣ́ приводя́щий./
Рáдуйся, священномѹчениче Алек-
сѣе, // кла́дезю щедроподáтельный
Божѣственныя благодáти.

Конда́к 7.

Хотя́ Ева́нгельскую ловѣ́тву по
глагóлу Иисѹсову дѣ́яти, / дóбре
тружда́лся есѣ́, / не се́ти лóвчия, а
сло́ва Христо́ва се́яние пригото-
вля́я, / и снѣдию, Дѹха Свята́го ис-
пóлненною, / áлчу́щия и жа́жду́щия
пра́вды привлѣ́кл есѣ́, / во́лею их
Цáрству Небе́сному усво́я, // пою́-

щия Бóгу: Аллилу́иа.

Їкос 7.

Но́вый светі́льник иму́ще в те-
бе,/ Бóгом возже́нный Цёркви Егó
Святёй на за́паде на́шея держáвы,
ра́довахуся правосла́вныя, ви́дяще
тя/ свет боговѣ́дения пода́ющим
да́же неправосла́вным лю́дем./ И
якоже неколе́блемь сто́ял еси́/ на
ка́мени і́стин вѣ́ры,/ ны́не от чту́-
щих тя слы́шиши/ тёплыя благо-
хвалéния:/ Ра́дуйся, от востóк со́л-
нца до за́пад Бóгу послужі́вший:/
ра́дуйся, свѣ́том пра́выя вѣ́ры Во-
лы́нь освяті́вший./ Ра́дуйся, мо-
лі́твою непреста́нною и псалмопѣ-
нием преподо́бнически подви́зав-
шийся:/ ра́дуйся, богомы́слием,
бде́нием и трезвѣ́нием Отце́м свя-
ты́м подража́вший и уподо́бив-
шийся./ Ра́дуйся, вѣ́ну гото́вый да-

ти отвѣты вопрошающим о Бóзе и таинствах вѣры:/ радуйся, и с умудрѣнными, и с прóстыми на пользу глаголавший в мѣру их разумѣния./ Рáдуйся, пшеницу чистую слóва Бóжия всюду сѣявший: и на землѣ, и на камени:/ радуйся, витати не возгнушавшийся не ведавших чистоты исповѣдания Правосла́внаго./ Рáдуйся, ходатайствовавший в моли́твах и постѣвшийся за непросвещѣнные Правосла́вием лю́дие:/ радуйся, в язы́честве словѣнском и е́реси латѣнской коснящих к правове́рию призывавший./ Рáдуйся, дóбре во Христѣ жителствовавший и тобою пасóмыя от сквѣрн очищавший:/ радуйся, лукавыя сѣятели, вѣдимыя и невидимыя, с пажити своѣй тучной отгна́вший./ **Рáдуйся**, священно-

мучениче Алексіе, // кладезю щед-
роподательный Божественная бла-
годати.

Кондак 8.

Странный для иудеев являл еси
апостольский дар языков, / и тако с
поляки неправославными на соб-
ственных их наречиях просвещал
еси. / Ещёже непамятозлобием
удивляя неверных, / верным тво-
рящих напасти, / многия обратил
еси ко Христу, / во еже Троице
Святей пети: // Аллилуиа.

Икос 8.

Весь о Господе точно всем по-
служил еси, святителю, / да хотя
некия Христу приобрящеши: / и
всем с тобою общавшимся / о вере
спасительней, покаянии и правед-
ном жителстве / со властью, тебе в
епископстве данною, / и свыше

вдохновлённою сілою свидѣтель-
ствовал есі./ Тѣмже вѣрнии с бла-
годарностию ти поѹт:/ **Р**адуйся,
безкорыстіем всецѣлым служѣние
Бѹгу и бліжним осолівший:/ ра-
дуйся, славу от человек ѹко сует-
нѹю и лѹжную презрѣвший./ Ра-
дуйся, дары, в епіскопской хиро-
тѹнии тѣ ниспѹсланныя, по словесі
Апѹстольскому возгревавший:/
радуйся, со страхом Бѹжиим и вѣ-
рою безупрѣчною во славу Святѹя
Трѹицы потрудившийся./ Радуйся,
Богородицу и Матеръ Свѣта в пѣс-
нях возвеличивший и в словесѣх
проповѣдавший:/ радуйся, святѹни
Горы и Лавры Почаевскія с коле-
нопреклонѣнными молѣнии благо-
говѣйно почитавший./ Радуйся,
безстрашный путевождѹ Христѹва
малаго стада, не имѹщаго боязни

пред челове́ки:/ ра́дуйся, Го́спо-
дом просвеща́емый архипа́стырю,
преосвяще́нный во ве́ки./ Ра́дуйся,
не превозно́сившийся высотóю
своегó звáния:/ ра́дуйся, Бо́гу и
лю́дем Ему́ ве́рным послужи́ти
прише́дший Христу́ подража́я./ Ра́-
дуйся, мно́гия возлюб́ивший и
мно́гими люб́имый:/ ра́дуйся, оби́-
дящия прости́вший и Суди́ею Пра́-
ведным прощё́нный./ Ра́дуйся, свя-
щенномучени́че Алекс́ие, // кла́де-
зю щедропода́тельный Божество́вен-
ныя благода́ти.

Конда́к 9.

Всем с премудрости́ю богодари́-
ва́нною, / ве́рою, наде́ждою и лю-
бо́вию о Христе́ раство́ренною, /
пу́ть спасе́ния ука́зывая / сам о
Го́споде си́ми спаса́лся еси́, свя-
щенномучени́че, / не то́кмо сло́вом,

но и дѣлы твоими/ Трѳице Святѣй
плоды дѳбрыя принося и научая
всех пѣти: Аллилуиа.

Икос 9.

Витію истиннаго, Богом им да-
рованнаго/ и истины богооткро-
веннаго проповѣдующаго, в тебѣ
видяще чада твоя духовныя,/ бого-
словію и славословію православно-
ному приобщахуся,/ и ведением
сим богомыслие и молитвы своя
украшающе,/ Господу благоуго-
дили суть,/ и яко наставника сво-
его мудраго/ тя хваляще воспева-
ют:/ Радуйся, сам искушен быв,
искушаемым помогай:/ радуйся,
дѳбре стадо свое наставляя./ Ра-
дуйся, веру, тобою проповѣдан-
ную, тояжде веры делами укреп-
ляя:/ радуйся, не иский словесы
пред людьми оправдѳтися, от пра-

ведных твоих дел пред Богом оправданный./ Радуйся, правдою точию руководствуясь, и с праведными навеки сопричтенный:/ радуйся, сугубо мучимый и замученный правды ради, во Царствии Небесном от Солнца Правды изрядно почтенный./ Радуйся, разумом Божественным озаренный:/ радуйся, богомудрых даров преисполненный./ Радуйся, высоту боговедения от Отцев древних унаследовавший:/ радуйся, глубины Божественнаго Откровения из Писаний Апостольских почерпавший./ Радуйся, широту познаний твоих у Учителей и Святителей Вселенских заимствовавший:/ радуйся, удобопонятностию словес вероучительных, тобою проповеданных, Богословам Великим уподо-

бывшийся./ **Р**áдуйся, священномучениче Алексіе, // кладезю щедроподáтельный Божéственныйя благодáти.

Кондáк 10.

Спасті хотя невёрныя и иновёрныя людіе, / якоже Великий Мака́рий иногда языческаго жреца, / ласкою и привéтом іскренним тщáлся есі ко Гóсподу привесті, святый митрополіте, / тїи же под іго благое Христóво вью свою подклоняюще, / пéти Бóгу твоёму прáво учілися суть:// **А**ллилу́иа.

Їкос 10.

Стенóю заступлénия нуждающимся быв, / достоянием Бóжиим и своим / рабóм Христóвым істинным помогáл и служіл есі, мїлостивый óтче, / и рúку свою, Христá ради дающюю, / николїже оскуде-

вающею видел еси, / ещѣже и мѣло-
стыню духовную благоподавая
ктому, / слышал еси сѣце: / **Р**адуйся,
мѣлостыни Небѣсныя и земныя
прѣсно подававший: / радуйся, не-
вѣрныя и кривовѣрныя с любовью
в сочувствующия правовѣрию пре-
вращавший. / Радуйся, не уничи-
жавший заблуждшия, а мѣлостив-
но горѣ обращающий: / радуйся, не
судящий и хулящий их, а терпе-
ливо исправлявший. / Радуйся, не-
праведно обижаемая от уныния и
отчаяния вѣрою и надеждою скоро
избавлявший: / радуйся, силою все-
прощения и любви обидящия и
мучающия поражавший. / Радуйся,
щедроты твоѣ от хлада и глада
страдающим таяся похвал являв-
ший: / радуйся, заботы твоѣ отѣ-
ческия о малых сих николѣже пре-

кращавший./ Рáдуйся, посреде иновёрцев живущия православныя посещавший:/ рáдуйся, в нужде и печали сущим и делом, и словом благотворивший./ Рáдуйся, обрадовавший скорбящих:/ рáдуйся, болящих утешавший./ Рáдуйся, священномучениче Алексие, // кладезю щедроподательный Божественныя благодати.

Конда́к 11.

Пéние благодарственное в скорбех и искушениях принося, / в мéру вóзраста Иисус Христо́ва пришёл еси́, страсотёрпче святителю Алексие, / и яко Той в Гефсимáнии в рúце человек грешных вóлею вдал Ся есть, / тако и ты везён был еси́ на заклáние, / поя Бо́гу, якоже вýну пел еси́ Ему́:// Аллилу́иа.

Икос 11.

Свещёу, пламенем любве бого-
дарованныя возжённою, возсиял
еси, / светильниче нóвый на́шея
дрéвняя земли, / и áще в ней по-
кóился еси́ лéта шестьдесят и три, /
под спúдом еси́ нé был. / Сé бо вёр-
нии в обíтели Кременéцкой пёр-
вее, / и близ грóба мáтери твоея́
вторицею погребённому / я́ко свя-
тítелю поклоня́лися ти сúть пою́-
ще: / **Рáдуйся**, нападéния вра́жи
моли́твою отгоня́вший: / **ра́дуйся**, в
страдáниях Гóспода прославля́в-
ший. / **Рáдуйся**, злослóвным ты ни-
чесóже отве́щавáвший: / **ра́дуйся**,
непра́во ты сúдящия проща́вший. /
Рáдуйся, тéло убивáющих не убо-
я́вшийся, душé твоёй повредíти не
могúщих: / **ра́дуйся**, во главú и в
десни́цу стреля́нии óгненными

смертѣльно уязвленный, дѹшу
свою святѹю в рѹце Бѳжии бла-
жѣнно предавший./ Радуйся, не
самаго себе точно, но и помощ-
ников твоих двоицу в жертву Бѳгу
приятную вознесший:/ радуйся,
лучшия из паствы твоея пастьера и
мирянина дѣвственнаго на трапезу
к Царю Небеси и земли в одежды
белы одеянные с собою при-
ведший./ Радуйся, не много потру-
дившихся дѹши, а много воз-
любивших Христу Спасителю на-
шему уневѣстивший:/ радуйся, яко
святитель, и исповѣдник, и мѹче-
ник Христов увенчанный./ Радуй-
ся, мир всем с благословѣнием
именословным подававший архие-
рею, в годину бранную за веру
убиенный:/ радуйся, от козней без-
бѳжник, гробы святых разоряв-

ших, вѣрными сохранѣнный./ Рá-
дуйся, священномучениче Алек-
сѣе, // кладезю щедроподательный
Божественныя благодати.

Конда́к 12.

Благодатию неизреченною свѣ-
ше приосенѣн,/ мѣра духовнаго
исполнял еси сердца приходящих
тя почтѣти,/ внигда же в обитель
твою с кладбища Кременца града
долженствовал еси быти перене-
сѣн,/ таинственно вдохновлял еси
всех,/ святѣне твоѣй имущих по-
служити/ и Бóгу о сем поющих://
Аллилу́иа.

Їкос 12.

Поюще мощей твоих честных
обрѣтение,/ ѣмиже источник но-
вый, из земли Кременецкия близ
Почаева/ от руки Бóжией вѣрным
бысть изведѣн,/ пред ракою, их

хранящею, приклоняющесе,/ и мѣ-
лостей велиих сподобляющесе,/
Господа за тя благодаряще, тако ти
зовем:/ **Р**адуйся, Богом даруемая
неизреченныя благодати мучени-
ческа преемниче:/ радуйся, яко
честныя останки твоя туюжде бла-
годать обильно источают./ Радуй-
ся, святынею твоєю верныя благо-
датно увеселяющий:/ радуйся, по-
сещавшия могилы твоя предивно
облагодатствовавший./ Радуйся, не
помышлявших о прославлении
твоём на мощах твоих почиваю-
щею благодатию просветивший и
славити тя о Господе наставив-
ший:/ радуйся, всем со тцанием
мощи твоя ископавшим велие
умиление сердечное даровавший./
Радуйся, яко к изнесению мощей
твоих святых земля у могилы тво-

ея послѣдняя чудѣсно умягчїся:/
ра́дуйся, я́ко та́яжде землѣ́ уже́ без
гроба́ ты по́кóившая, в преосвящен-
ныя и освященныя рúце ты преда-
де́./ Ра́дуйся, я́ко голени́ща сапо́г
твои́х истлѣли сýть, а кровь тво́я за
Христá изли́нная и стопы́ тво́я
обагрѣ́вшая, да́же доны́не червлѣ-
ною оста́шася:/ ра́дуйся, я́ко тремѣ́
стреля́нии сокруше́нныя гла́ва и
десни́ца тво́я благодáтно благоуха́-
ют и о кончи́не тво́ей мýчени-
ческой свидѣ́тельствуют./ Ра́дуйся,
я́ко Терно́польский и Поча́евский
Архиепи́скопы со священники,
игу́мению и сѣстрами с Крестомъ
Христóвым и хоругвѣями в обитель
твою́ Кременѣ́цкую ты возвра-
ща́юще, во гробѣ́ но́ве суть перене-
сли:/ ра́дуйся, Бóгом просла́влен-
ный, благодáтию Его́ на тебѣ́ по-

чивающею нас умиротворяющим и
в святости твоёй уверяющим./ Ра-
дуйся, священномучениче Алек-
сие, // кладезю щедроподательный
Божественныя благодати.

Кондак 13.

О, святителю Христов, / испо-
ведниче и мучениче земли Волын-
ския / митрополите Алексие, / веру
православную даже до кончины
твоея священномученически не-
леностно проповедавший, / нынеш-
нее сие приимше молитвенное
приношение, / Господу прошение о
прощении и спасении нашем воз-
неси, / да и мы с тобою вину Ему
поём: // Аллилуиа.

Сей кондак глаголи трижды, и паки:

Икос 1.

Ангела Церкви нашея и всея
страны Волынской в тебе и мамы, /

яко епископа земли нашей Бог ты сотвори./ Ты же воистину перво-священник, отец и учитель верным явился еси,/ неверными ненавидимь, мучимь и гонимь,/ и веру истинную даже до крове исповедал еси,/ сего ради поем ти:/ **Р**адуйся, отцем и матерю православными рожденный:/ радуйся, измлада в вере правой крещенный и воспитанный./ Радуйся, по чину Церкви Восточныя и Тела, и Крови Христовых издетска приобщавшийся:/ радуйся, благочестию родителей твоих подражавший./ Радуйся, в храме и олтаре Божием диаконом служащу отцу твоему благоговейно соприсутствовавший:/ радуйся, пению церковному искусно сликовствовавший./ Радуйся, Ангела Хранителя от Святаго Крещения

твоего́ да́же до преставлѣния ни-
коли́же оскорбѣвший:/ ра́дуйся, в
дѣвствѣ твоѣм и в бра́ке украшен-
ный целомудрием./ Ра́дуйся, во
диа́кона и священника рукопо-
лѣженный, Госпо́ду досто́йно по-
служѣвший:/ ра́дуйся, мона́шес-
каго пострижѣния пред ра́кою пре-
подѣбнаго Ёова, Игу́мена и чудот-
ворца Поча́евского сподѣблѣвший-
ся./ Ра́дуйся, обители Кременѣцкия
настоятелю и священноархиманд-
ри́те:/ ра́дуйся, святы́м Апѳостолом
преѣмственнаго епѣскопства со-
прича́стниче./ Ра́дуйся, священно-
мучениче Алексѣе, // кла́дезю щед-
ропода́тельный Божѣственныйя бла-
годати.

Конда́к 1.

Избра́нный проповѣдниче Хри-
сто́в и ве́ры пра́выя исповѣдниче,/

пóдвигом святíteльским подвизáв-
шийся в смире́нии, терпе́нии и
любви́,/ я́ко дерзнове́ние има́ши ко
Го́споду,/ мо́лишися о ве́рных лю-
дех,/ новоявле́нным мо́щем твои́м
поклоня́ющихся и пою́щих ти́:/
Ра́дуйся, священномучениче Алек-
си́е, // кла́дезю щедропода́тельный
Божество́вныя благода́ти.

Моли́тва.

О, изрядне уго́дниче Христо́в,
святíteлю, испове́дниче и мучени-
че о́тче наш Алекси́е! Земли́ Хо́лм-
ския прозябе́ние благода́тное и
Во́лыни правосла́вныя дре́во бла-
госенноли́ственное, в правове́рии
искóнном укорене́нное, ли́ствием
же свои́м и плоды́ пребыва́ющее в
Ра́и! Постриже́ния мона́шескаго у
святы́нь Поча́евских сподо́бив-
шийся, вои́стину преосвяще́нный

предстоятель Богоявлѣнскія обители Кременецкiя явился еси, и множицею веру правую пред мучители изувѣрными и невѣрными исповѣдавший, венец священномученический воспріял еси, и землю Волынскую от вѣсей ровенских даже до Кременца града на колеснице по убиении перевозимъ, кровию своею оросил и освятил еси. Ныне же в обители твоѣй в храмѣ Божием покоишия и миром душевным исполняеши всех притекающих к раце твоихъ мощей. Молися в Троице Святѣй славному Богу нашему Отцу безначальному, Сыну Единородному и Духу Животворящему, и пред Пречистою Дѣвою Богородицею ходатайствуй, да призрят на православныя люди державы нашея, и от востока ея до

за́пада еди́ну ве́ру и́стинную и
то́чию еди́ну благода́тную Це́р-
ковь на́шу утвер́дят. И я́коже прэ-
жде до́бре па́стырствуя волко́в и
наёмников, овец расхища́ющих и
гу́бящих, не убо́ялся еси́, та́кожде
и ны́не напáстми обурева́емое и
уничжа́емое овец словéсных Хри-
сто́во ста́до примéром тво́им и мо-
ли́твами в гонéниях и искушéниях
укрепи́. Да и мы́ в терпéнии своéм
сподо́бимся стяжа́ти грехо́в про-
щéние и душ на́ших спасéние улу-
чи́м. **А**ми́нь.



